

EGUNEKO DIANAK

Jon Azua



Jon Azua Gasteizko Jaurkitzailearen enpresa eta erakundeekin harremanetan izan da eta bere gestioak emaitza onak izan ditu: Japoniako enpresa batek akordioa sinatu du euskal enpresari batzuekin, bertan arrain haztegi bat eta beronen industria eraldatzailea ezartzeko. Halaber, datorren astean elektrizitate alorrean beste akordio bat sinatuko dute / 13

Lurralde okupatueta palestinarrek



Lurralde okupatueta palestinarrek batzorde tekniko bereziak osatu dituzte, balizko autonomia eskuratzen dutenean prest izateko. Palestinaren Askatasunerako Erakundeak (PAE) Estatu palestinar independentea osatzeko bidean autonomia erdibide gisa onartu zuenean hasi ziren eratzen batzorde horiek. Ura, errefuxiatuak, lurrak eta ekonomiari buruzkoak dira / 18

Alfredo Jaime



Galarza eta Eugik gaur jokatu behar zuten Labriteko pilotalekuan lau t'erdiko torneooko finalerdia. Baina partidua larunbatera atzeratu behar izan dute, Alfredo Jaime Iruñeko alkateak pilotalekua hartua zuelako aurretiaz udal langileen afarirako. Jaimek ez du afaria lekuz aldatu nahi izan / 22

Alain Boubill



Alain Boubill, François Mitterrand Frantziako lehendakariaren aholkulari izandakoa laster epaituko dute, Gobernuaren zegoenean enpresei informazio sekretua pasatzegatik. Pierre Bregovoy Ekonomia ministroaren gabineteko buru zenean igorri ziren isilpeko informazio hau Boubill-ek Triangle enpresa amerikarrek akzioak erosi nahi zituztenei. Azken hauek irabazi handiak izan zituzten, Pechineyk Triangle erosiko zuela aurretik zekitelako / 14

Conchi Garcia: «Ederra izateak ez dizkizu ateak irekitzen lana aurkitzeko»

A. ITURRIOTZ / SESTAO

Arrenkura somatu dugu Conchi Garcia sestaoarraren hitzetan; Euskadiko Maja izendatu zuten eta lore sorta bat baino ez du jaso antolatzaileen eskuetatik. «Santanderreko Majari urrezko ontz bat, bi pertsonentzako bidaia, moto bat eta gaueko soineko bat oparitu zizkieten» dio. Baina ez da hori bere saminaren arrazoi bakarra. Antolatzaileek, Producciones Norte-koek, Conchiren argazkiak bidali zituzten Madrilerara baina ez ziren iritsi, bidean galdu ziren antza. «Eskualde desberdinetako Majen argazkiekin album bat atera nahi zuten eta nireak falta zirela esanez dei egin zidaten. Orduantxe jakin nuen Espainiako Missa aukeratzeko lehiaketa azaroaren amaieran egingo dela». Conchiren ustez, Madriletik argazkiak eske deitu izan ez balio, ezingo zukeen azken lehiaketa horretara aurkeztu. «Hilabete aurretik jarri ninduten jakinararen gainean. Lehiaketarako arropa nire kontura uzten zuten; kaleko arropa, hemengo jantzi tipikoa eta gaueko soinekoa lortu behar nituen». Bilboko diseinatzaile ospetsuengana jo zuen baina ateak mutur aurrean itxi omen zizkieten. Azken momentuan Algortako diseinatzaile batzuekin jarri zen harremanetan eta horiek azaldu zitzaizkion arropa egiteko prest.

Hilaren hogeitalauean joango da Madrilerara Conchi eta dagoeneko urduritasunak jota



JOSE SIMAL

SOSLAIA

Ordubete ispiluaren aurrean

A lferu egin da eta egun ez du ariketa fisikorik egiten, baina datozen hiru asteotan gimnasia joango da. Ez du pesarik altxatuko, «gizonezkoentzat direlako». Kalera irten aurretik ordubete inguru ematen du ispiluaren aurrean, «galdetu bestela nire mutilari!» dio. Animo gutxirekin dagoeneta, berdin berdin irteten omen da bakeroekin eta makilatu gabe. Bere ustez edertasuna eta inteligentzia ondo adiskidetzen dira. Oso irribarre naturala du: «Horregatik aukeratu ninduten 'Estrellas en Juego' saioko azafata izateko». Ez du bere burua emakume objektutzat hartzen. Zinean lan egiteko aukera ez du baztertzen. Zein zuzendari gustatzen zaion galdetu diogu: «Ez dakit. Oso gaztea naiz».

dabil. «Litekeena da Miss Ipainia aukeratua izatea. Baina irabazle ez bada ere, paregabe ko hiru egun igaroko ditut. E naututa amets egitea bezalako omen da, ipuinetako printze baten moduan senti erazte zaituzte; beraiek orrazten zaituzte, makilatu, batetik beste eramane... denak zuri zerbitzako». Iazko Espainiako Miss Interviu-n ozta-ozta jantzitaren zela esan diogunean bera litzatekeela horretan erori azpimarratu du. Neskatza edo rrek lana bilatzerako orderraztasun handiagoak dituenik ez du uste. Hala ere, onartu egin du fisikoak bai laguntza duela zenbait gauzatan: «pareletan ibiltzeko aski da altu eta neurri onak izatea baina pribizitatean lan egiteko edo izan behar duzu derrigorrez Judit Marso eta Ines Sastre d modelurik gustokoenak. «Horretan ere azpikeriaz egiten gora jendeak, bataren edo btearen alaba izateagatik. Niburuari askotan galdegiten d berorien mailara iritsiko naizena» adierazi du.

Conchi Radio Nervion irratiko idazkaria izan zen. Bizi gütia idazkari lanean ezin zu eman esaten zioten lankideei «Un, dos, tres-en» azafata behar zituztela jakin zuten, zer baldintza bete behar ziren jakiteko deitu. Burua berotu daten eta azkenean curriculum bidali nuen baina ez nindut hartu, gaztegia naizelako. Telebista saio guztien arte bat aukeratzekotan, Emilia Aragonena.

Langile bat hil zen Bilboko Mazarredo kalean lubizi batek harrapatuta

Hogeitamalau urteko gazte bat hil zen atzo Bilboko Mazarredo kalean, lan istripuan. Lanean ari zen lekuan lubizia izan zen eta azpian harrapatu zuen. Lur asko erori zen hildakoaren gainera eta, lur azpitik gorpua ateratzeko zerbitzu berezien laguntza behar izan zuten. F.R. letrak dira hildako gaztearen izen eta abizenaren hasierakoak.

Dianak oker

Azken orriko 'Eguneko Dianak' atalean huts tekniko bat egin genuen atzoko EGUNKARIAN. Espainiako Armadari barruan eman genion kanpoan zegoen eta Ondarroako armadorei barruan, kanpoan behar zukeen. Barkatu, mese-dez, gaizki esanak.



TRANPOLINA bailitzan erabiltzen du natiboak elefante txikiaren tutua. Trampolin bitxi hau mugikorra da, eta edonon ezarri daiteke, batek gura duen tokian. Hau ikusita ziur enpresari batek baino gehiagok elefantetxoa jarriko duela igerilekuan datorren udan.

AHT hilaren 26an sartuko da Irungo tren geltokian

Abiadura Handiko Trena (AHT) azaroaren 26an sartuko da lehenengo aldiz Irungo (Gipuzkoa) tren geltokira, Merce Sala Renfeko lehendakariak atzo esan zuenez. AHTk 1992. urteko apirilaren 19an hasiko duela Madril eta Sevilla arteko ibilbidea egiten adierazi zuen, Irungo tren geltokian eskaintako prentsaurrekoan. Geltokiko zerbitzu berriak inauguratzera etorri zen Sala Iruna. Bertan egindako berrikuntzak 300 milioi pezetakoak izan dira. Tren geltokiak berritzeko plan orokorraren barne, Zumarraga, Ategorrieta eta Grosekoak berriztatuko dituzte 200 milioi pezeta erabiliz.

Aitor Aranarekin solasean

Aitor Arana idazleak liburu berri bat kaleratuko du aurkit. 'Afrikako semea' izenburuko nobela hau abenturazkoa da. Ekintza askotako kondairak gustatzen zaizkio Aranari eta honakoa ere bide horretatik doala esan digu, berarekin partxadan izan dugun hizketaldian.

'Liluratura' saila egitea Felipe Juaristiren lana izango da biharko EGUNKARIAN. 'Test-a' berriz Juan Garziari egokituko zaio eta 'Ertzetik' sailean Edorta Jimenez izango dugu.

ONCE

ASTELEHENA 27.461

ASTEARTEA 31.985

ASTEAZKENA 08.114

KUPOITZARRA

OSTIRALA

OSTEGUNA

88.403